

詩


晦齋集
仁

卷五



晦齋先生集序

孟子曰學問之道無他求其放心而已矣若吾文元公晦齋先生其真所謂學問者哉先生之學專用心於內基於誠意而發於致知故事皆有實而明無不燭以之爲親盡其孝與弟盡其友事君盡其忠遇士盡其愛至於御下蒞民處患臨亂莫不一本其所存而曲當其所應非務於心學其孰能與此成仁知之德立繼開之業吾三韓有人焉爾予嘗在辛丑年間以書爲贄而禮焉望儼即溫親承謦咳竊窺其有方寸之學遂將程氏附註書叩疑不已仍請存心之要



久之先生指其掌曰有物於此握則破不握則亡退
而省乎心粗覺其爲忘助之異名而尤喜其親切而
有味也既而先師灘叟先生與先生論喜怒哀樂未
發爲予道其詳予又竊自歎曰此子貢所以不可得
而聞也嗚呼已矣自予入海先生出塞歲才七周而
塞計至海追懷悼惜每中夜潛然至恨冥頑獨久於
世也暨 聖上始初清明誤首蒙 恩復侍 經幄
感念今昔之不暇而面受 聖旨讎正先生集爲之
慨然而讀曰真布帛菽粟矣乎其詩和平易直其文
明白縝密書札訂辨之切疏劄規箴之深與夫當消

長危疑之際言論風旨無非出於誠而濟以明者比
昔所見聞鮮有不合然後益驗先生之心未嘗一日
而放也蓋此心旣收專一虛靜則道理昭著自然流
出有若是者焉可誣哉仍念孟子指出此竅爲已明
矣若予者不知反求而曰如此爲俗學如此爲異學
而如此爲儒者之學實先生罪人也亦可哀已先生
之孫浚袖板本四帙踵門而告曰按使盧公禎府尹
李公齊閔協議壽梓屬大人爲序是用不遠千里奉
以爲請予旣卒業重自慨然曰盛矣哉二公之心也
即予何敢有言於其間而亦有不得而辭者顧先生

集朝夕印頒而奉先雜儀九經衍義求仁錄之要法
大學章句補遺之卓見又皆不見於此帙則奚必此
序爲浚曰官字用鑄一印便已豈若此本在吾州可
以永傳無墜者且將繼而刊焉其無所爲嫌遂書所
感以歸之以見三韓心學惟先生有之云萬曆甲戌
孟陽既望芝嶺後學盧守慎謹序

晦齋先生世系圖

十世祖諱世貞

驪州人鄉貢進士

宗衍

娶平章事李仁植女

綢

培

允芳

春彥一權

修義校尉龍驤衛中領副司直娶進士李良佐女

宗禮

振義副尉大夫兵曹參判兼同知義禁府事夫人楊氏縣監培女

壽會

生于迎日登武科進勇校尉權知訓兼知義禁府事葬慶州治東阿倍耶洞明姑山夫人李氏生貞點女

蕃

字叔翰居慶州良佐

村生貞

贈崇政大夫議政府

彥迪

字復古謚文元公葬貧成

郡治南

達田里禱陰山夫人孫

彥迪

朴氏崇阜女

氏雞川

君襄敏公昭女

夫人孫

彥迪

朴氏崇阜女

應仁

判官
從弟
經歷
通子
為後

宜潤

通善
郎
綱
奉

宜澄
承仕
郎
從仕
郎

墩
察
誌

德種

萬葉

規

德重

堯

德咸

塙
進
士

德璋

塚

德耆

德叟

德翁

墳

德孚

堧

德佐

德佑

德保

堧

堧

堧

宜活郡

守
晚
奉

規
參
奉
為
後

德純

德新

德均

宜潛
監縣

曠
宣務

壻
後為

吟
從仕

壻

德恒

德興

霍
從仕

坂
後為

坂

哺

壻

曠
子廢

宜澤
子燕

軒

華

全仁
禮賓
子俊
守郡

淳奉

容

宏

皞

皞

容
為後

知

弘熙

弘煦

弘熙

益圭
為後

錫圭

尚圭

益圭


桓圭

信國主

自寓真贊
儕視李賀
優於海東
騰名謾譽
於爾孰逢
爾形至眇
爾言大侗
宜爾置之
丘壑之中



水天宮



晦齋先生集目錄

卷之一 古今詩

西征詩

山堂病起

次孫生員叔卿韻

金柱寺踏青

烏川路上

次朱文公武夷五曲韻

病中覽言行錄朱文公傳

勸學者

栢栗寺贈韓進士子治

甘浦舟中贈韓子治

小峯臺

記夢二首

向定慧寺吟錄即景

閑居即事二首

山堂即事

山中即事三首

折芍藥

泛葵溪流首二

贈堯卿

次曹容叟韻

戲次容叟韻

孤松

上洛路上即事

踰嶺首二

水回村首二

無極驛路上首二

山中即景

山窓即景

夢覺有感首二

山中久雨

山中即事

喜晴

感興

夏日即事

聽秋蟲

辛巳秋西征吟首二十

九日無菊

崖山懷古

下灘二首

晚興

夜興

舟中即事示柳子晉

舟中奉別子晉

溪邊秣馬即事

到烏嶺寄舍房

舟中即事

竹山客館次板上徐相公剛中韻二首

宿比安小樓

李吉甫江亭次子晉韻

次諸年兄韻

錄呈望而無示諸年兄

義興客館次板上韻

龍安驛曉發

踰嶺五吟

孤山野二首

次曹容叟韻_{二首}

定慧寺話別

舟中晚興

望栢栗寺有懷

雪中寄山中友人

山中書示友人

次清道清德樓韻示主人李使君煥

慶山客館次徐剛中韻

直薇垣

寄舍弟子容

卷之二 律詩 絕句

登前峯觀壑_{二首}

明遠樓送崔判官

遊佛國寺次佔畢齋韻

澄心臺即景

次魚子游壁上韻_{二首}

謝金戚丈山中見訪

贈友人二首

之懷

復用賢字韻別寓遠送

山中次友人韻

新雪二首

早春遊山二首

次南士渾韻二首

次金彥叔韻

江上贈同遊諸君二首

山中贈別三首

重陽後一日臨溪對酌

挽鄉友

偶吟

壽母生辰次友人韻

醉成謝殷佐開筵勝景見邀二首

次殷佐韻

病起登詠歸亭二首

山堂聞琴

次翰林學士王先生韻

挽戚丈金訓導三首

挽南進士世豪

山亭即景

川上敬次朱先生韻示

同遊諸子二首

初夏野興

林居即事

哭金兵使振卿二首

秋日登高望遠憶亡友金振卿二首

山行即景

栢栗寺謝友人乘雪夜

訪二首

早春

暮春

初夏

秋聲

冬初

悶旱

喜雨

感物

無爲

觀物

溪亭

獨樂

觀心

存養

秋葵

送李進士向洛首二

病中書懷寄曹容叟首二

樂天

兄山江上

江上對酌偶吟示座中諸君首三

記夢首二

偶吟寄容叟

曲江倅宋君天章設壽酌以書見邀有疾未赴

謝宋天章臨慰壽席

奉次李府尹宴族親韻

送李府尹親老辭職還鄉三首

知非吟

謝宋天章惠松畫海鮮

天章來訪山齋僕適出

不遇詩以為謝

遊密谷寺

野亭對酌

山中喜晴呈府尹李公

裴仲二首

挽徐訓導二首

齋菴次過客壁上韻

齋舍次友人韻

到浩然家

次大鵬韻

山中別李學錄

奉送許府尹敬之還洛

足聯句

卷之三 律詩 絕句

丁酉冬上洛贈鄉友

二首

玉堂八直次宋眉叟韻

舟中即事

題迎喜院

寄舍弟子容

寄子容

題陽智東軒呈主人權使君

竹山路上

驪州路寄舍弟

龍安驛早發

先君諱日在洛寄舍弟

夢見亡姪元慶

次寄舍弟

二首

次李進士定之韻

三首

謝李仲卿送櫻桃酒餅

三首

送權景遇以千秋使赴

燕京

二首

龍安郵館別舍弟

在洛寄舍弟

二首

寄舍弟

二首

次舍第韻_二

贈別舍第_三

客中次舍第韻_二

登水回村松巖

溪邊送別

洛中得舍第書_二

設壽酌次舍第韻

踏青

暮春遊山

春日登亭

贈別舍第_二

聞慶客館次舍第韻

次聞慶小軒國卿韻

中原訪長吉不遇

舟中即景_三

贈舍第_二

寄舍第

次澄心軒韻_三

嶺南樓宴日本使臣受竺東堂書以贈別

次盈德東軒韻_二

踰泣嶺

次都事泣嶺韻

次都事韻_二

書李知事愛日堂

次北川早春韻

次一善東軒韻

白場寺吟得二律錄呈

眉叟求和_二

遊白場寺又得尋常錄

奉眉叟使軒

奉次

再和眉叟韻

更步前韻寄眉叟_二

次蠶石小軒韻

次浣紗樓韻

次青溪堂韻

奉次惠韻_二

固城溪邊

舟中謾興

次河東東軒韻二首

送亨伯歸省二首

送李都事拜持平赴召二首

贈別亨伯

山中次子容韻二首

挽金府尹二首

次子容韻

歲暮吟

乙巳春留永州客館遇先君諱日書示主人

次舍弟韻

送仁甫出按關北

仁宗挽章

在山堂寄舍弟二首

丁未元朝有感

書鏡吟

丁未重陽舍弟請設壽酌書示二首

卷之四 西遷錄 律詩 絕句

郵館別孫熙遠二首

上林郵館次舍弟韻二首

獺川次舍弟韻二首

碧蹄郵舍書

登鳳山巔一首

江城書示姪敬伯

至日得古句足成一律寓懷

至日不寐三首

次敬伯路中韻六首

旅窓聞遂

中宗諱日泣書二首

夢驚悲痛二首

夢省萱闈欲供旨味忽覺不勝悲痛三首

聞敬伯彈琴

哭同年趙子實

夢覺悲慟二首

除日得古句足成一律

得舍弟子客書

早春書悶

夢罷悲痛

次舍弟韻

夢驚

先公諱日書示敬伯

次舍弟韻

春晚遣悶

次仁風樓韻

端午日書懷

次樓韻

國諱日泣書

次金教授留別韻

見月寄舍弟

夢見慈顏忽憶少時山
栖絕句錄以寓無涯之痛

誠敬吟

別舍弟子容還鄉

送韓無善之任碧潼

送張國卿之任義州

拾遺

到鳥嶺吟寄舍弟首二

奉呈李府尹首二

病中送許南仲赴燕京

次忘機堂韻五首

送玉堂金正字義貞

挽曹府尹

送李季雅按嶺南首二

挽李訓導族丈

次比安樓上韻首二

次東軒韻

奉送府尹許敬之還洛

登詠歸亭

次龍宮樓上韻首二

次韻贈別

松堂挽詞

卷之五 賦 雜著

問津賦

鞭賈賦

利口覆邦家賦

書忘齋忘機堂無極太

極說後

答忘機堂第一書

第二書

第三書

第四書

送元典翰繼蔡序

伊尹五就湯論

卷之六 箴

銘

記

祭文

行狀

碣銘

元朝五箴

畏天改過

養心篤志

敬身

立箴

自新箴

定靜銘

無絃琴銘

知恥銘

海月樓記

改葬先府君祭文

祭姪元慶文

祭金府尹文

祭先妣孫夫人文

祭亡弟子容文

仁宗大王行狀

先祖考府君墓碣銘

先祖妣李氏墓誌銘

先妣孫氏墓碣銘

卷之七 疏

一綱十目

卷之八 疏

進修八規

卷之九 箋

狀劄

辭謝箋

謝恩箋

陳情乞養狀

再陳乞養狀

乙巳正月十八日辭狀

正月二十四日辭狀

閏正月十七日辭狀

閏正月二十三日劄子

三月初八日辭狀

卷之十 狀劄

丙午春劄子

三月呈辭上劄子

四月辭職狀

五月十一日再度辭狀

六月十九日三度辭狀

不宜垂簾劄子

卷之十一 拾遺 序 傳 祭文 碣銘

大學章句補遺序

中庸九經衍義序

求仁錄序

奉先雜儀序

沙伐國傳

祭孫四宰文

祭金慕齋文

孫夫人諱日祝文

告家廟文

夫人洪氏墓碣銘

夫人崔氏墓碣銘

忠義衛孫君墓碣文

訓導金君墓碣銘

參奉崔君墓碣銘

孺人金氏墓碣銘

卷之十二 拾遺 疏

弘文館上疏

卷之十三 拾遺狀劄啓

辛丑季夏十六日呈辭

壬寅九月呈辭

甲辰秋七月呈辭

甲辰秋九月呈辭

甲辰十一月呈辭

甲辰十一月待罪狀

乙巳閏正月待罪狀

乙巳十二月呈辭

侍講院劄子

兩司劄子

司憲府劄子

乙巳秋劄子

乙巳秋劄子

政府書啓十條

乙巳秋議啓

晦齋先生集目錄終

晦齋先生集卷之一

古今詩

西征詩

正德歲甲戌序屬秋七月卜吉將西征日惟二十一
再拜辭萱闈依依不忍別薄暮抵前縣燈殘孤館寂
歎枕耿不寐共談唯瞰适天明上馬行四顧秋山碧
沙頭見白衣一壺臨溪酌面酣欲分袂東方朝日出
馬背困瞋魔忽窮礪峴谷院樓薄夷猶朝炊煙一抹
日晏永陽路客倚朱闌曲舍馬上雙清滿眼秋江色
坐談者誰子昌良與潤石徘徊一回首家山天際邈

吉甫在蠻人暮投西樓宿舉酒聊相酬琴聲斷復續
困來曉夢酣睡起窓日赤朝行二十里歇鞍川巖側
曹叟適後至下馬語未卒同行午又分重會期來夕
越飯向聞韶山路何幽鬱十里不逢人野雉鳴角角
炎蒸谷無風徑險馬頻蹶炭堤日西沉村路天昏黑
主人引余入坐語寒暄畢夜卧共團欒晨炊又早發
山行得谿澗水清且石潔稅馬溪柳陰寒衣坐濯足
清風水面來爽氣清肌骨卓午抵雙溪小軒頗幽閒
須友友不至彷徨坐復立夜靜羣動息卧看天宇濶
夢罷月高上遙聞雞喔喔促行登前途四面星寥落

煙霞帶翠微江山更奇絕水山無舟楫道由尚之洛
行行忽到頭洛水秋正綠登樓快開襟眼底乾坤豁
客有共憑闌姓裴家在漆容叟亦自南邂逅如有約
長嘯更徙倚清颿來習習少年客遊此題柱字不滅
江山宛如昨俯仰成今昔中流擊楫渡今日方炎熾
暮投洛郵亭曉發天已白曠野入望中赤地少稼穡
田家幾勤悴可憐秋無穫變理者何人無乃有所缺
云何召天災饑饉連歲酷道過咸昌界忽看孤山兀
旅館一徘徊惻然起感憶去年向南秋偕轡姜與科
今年余又過姜已成異物笑談如隔晨令人更悽切

唐橋院樓上有僧施丹雘自言起此宇積累歲逾八
人或編士卒被堅曝霜雪我生世無累竊愧空食粟
欲構行旅庇敢效螻蟻力余聞默自歎一身處蓬藋
經濟負大志不能效絲忽天地直一蠹於世竟何益
却愧一僧力猶能功利博有樓是幽谷快登避暑源
棟宇多題名盡是南中傑黃昏設小酌孤燭輝書閣
夜深客夢涼隔窓蟲語咽黎明與曹別山盤路紆屈
清晨谷吐雲變帶遮山腹峽水脰驚湍聒亂山欲裂
崎嶇上危棧豎髮臨不測山腰有古壘不知何代設
憶昔三韓秋分裂多戰伐干戈爛不收生民盡魚肉

通來大平久戰壁埋榛棘前行數十里谷口秀松栢
道左得孝碑姓名具官爵感歎立斯須沉吟更躑躅
參天見鳥嶺石崖如新削巉巖路百轉谷谷溪流聒
立馬最高巔擡眸極南北長安邈日下白雲天一壁
定省曠幾許關山千里隔下嶺八九里川淨茂林木
坐石仍盥洗碧嶂含朝旭午出獐項口一帶流碧玉
上有千仞壁壁頭有小刹巖石危欲墜惕然驅馬疾
日斜獺水頭草屋僅容膝輾轉夜似年四壁寒蛩唧
清曉渡前灘極目山萬疊金烏躡碧空紫錦散寥廓
忠西四十里古院有彌勒屹立繚垣墻身長數十尺

自從吾道衰佛法入中國流漫惑人遠舉世趨寂滅
我朝崇丘軻異端猶不息黃金塑神像處處藏巖穴
誰復大道左公然立胡質釋氏尚未謝不應有此佛
孰有胡穎志赫然加斧礪羸駒走且僵到得荒山驛
夢魂繞桑梓宛見慈顏戚眠食今何如撫枕空惻惻
信馬天昧爽乃八月初吉出入山澗路淒風吹鬢髮
道過忠清道邑歷仁智邑山根有古院訟路多茅屋
荒殘生理拙邀客利升合安得百萬斛大昇家家給
鷄鳴馬蹄響滿天星斗列須臾曙色分晃蕩秋天末
四山烟霧收一路車馬還舉頭望北極白日臨咫尺

風雲浩無際九萬期奮翼夫高懷抱遠路長馬力竭
京城忽入眼五雲繞閭闔漢水萬古流三角如列戟
龍盤鬱佳氣形勝真天作丹闕九天開金城四門闢
紫極拱堯舜廊廟登夔契一代文物新百年興禮樂
蒼海搜明珠冀北空汗血士有來山林詩書抱素業
韋布談道義齟齬無所適君門鬱九重無路可通籍
生平志不苟所希惟聖哲韞櫝聊自珍泣璞愧三刖
千駟有不顧一芥那苟得行藏隨遇安出處由我決
騎驢客京華耻隨肥馬迹閉門閱書史窓戶新涼入
古人雖已遠遺訓猶在目開卷想其人我心實先獲

順天病在已富貴非所急

山堂病起

平生志業在窮經不是區區爲利名
明善誠身希孔孟治心存道慕朱程
達而濟世憑忠義窮且還山養性靈
豈料屈蟠多不快夜深推枕倚前楹

次孫生員叔卿韻

乙亥秋

高懷超宇宙浪跡泊江村
卜地山爲郭誅茅席作門
蒼松擁後嶺翠竹被前原
秋隴收禾黍春郊散瓦豚
范憂千里遠回樂一瓢存
隨分生涯足因時出處分
窮亨那足介得喪不須云
夙志惟忠孝平生非飽溫

蘇因姑養退韓且爲貧奔會見囊中脫何煩堂下言
踈頑堪野逸邂逅竊君恩雖切址辰拱却思東海蹲
飛塵要路暗驚浪官津翻世並趨名急人誰見弱援
同行齊馬轡相訪抵雲根把酒山將晚臨風髯屢掀
伊周經世術鄒魯在天文論討時雖異吟哦志尚軒
不成甦旱雨空負獻君暄勲業頻開鏡詩書幾役魂
江頭瞻落日離底對殘樽紫陌阻軒冕青山作弟昆
乾坤喜踈散鹿土厭囂喧入面春深暖開襟意轉懃
寒星山上點綠霧洞邊屯從此頻來訪醉歸乘月昏

金莊寺踏青

丙子

川原遠近綠初勻
滿目依然古國春
玉笛聲中千古恨
莫教吹向踏青人

烏川路上

揮鞭發海隅
擡眼極平蕪
新綠千山遍
殘紅一點無
樂時渾物我
探勝歷江湖
安得携知己
臨流倒百壺

次朱文公武夷五曲韻

欽把遺經得味深
探真從古有山林
栽洋絃上無人會
獨撫曾中太古心

病中覽言什錄朱文公傳

病起幽軒雨後天
手携黃卷對前賢
吾年屈指猶云

富其奈身多疾病纏自歎多病不能致力於聖賢事
業故及之

勸學者

為學應須學聖人聖功元是本彝倫數篇格言真繩
墨熟講精通可律身

栢栗寺贈韓進士子沽

苔徑憐曾踏松闌憶舊憑碧山如有待青眼更無憎
草樹千年國襟懷一夜燈海臺秋更好携酒又同登
時有觀海之約故及之

甘浦舟中贈韓子沽

明齋集卷一
一聲長笛海門秋
盃酒臨分段段愁
渭樹江雲苦相阻
天涯此日幸同舟

小峯臺

地角東窮碧海頭
乾坤何處有三丘
塵寰卑隘吾無意
欲駕秋風泛魯桴

記夢

夢有人以暗點事疑我既覺恍然遂書二絕

殘燈中夜照肝脾
屋漏雖幽肯自欺
枉被人疑渾不動
此心應有鬼神知

一心虛靜自無爲
萬變交前孰得移
雖處至嫌猶不惑
夢魂聊與展禽期

向定慧寺吟錄即景 丁丑

四月二十日乘雨入山谷青郊馬蹄輕認我幽意決
詩書萬古懷泉石生平適此去俱遂意快如凌雲鶴
沉吟富收拾刮眼揮鞭數沿途麥浪浮滿頃新苗綠
農夫壠上歌牧童牛背笛幽鳥濕猶啼山色晴更碧
角角野雉鳴翩翩飛燕疾青山如有待百物皆自得
行行轉杳窈谷水聲聒聒雲煙浩不收去逕迷南北
鶯啼何處樹鐘動知有利斜穿茂樹下忽見有古塔
踏破青苔逕下馬沙門入雲林窈窕深軒窗瀟灑闔
小髡或走巖老髡皆舊識升階坐禪房洒然怡神骨

空庭有何物一朶開紅藥壁上有故題憶曾來棲迹
一去落塵籠幾年悲猿鶴今來訪舊隱溪山動喜色
綠池莫辭洗吾耳久絕俗夜來各就枕團藥雜今昔
潦倒十年懷寒燈空照壁清晨夢自醒耳邊聞蜀魄
讀書不終卷東西窓已白開軒對碧山百鳥啼深峽
自此幽興多塵寰已迫隔行當拾瑤草微逕緣深壑
東溪水似藍溪邊有盤石濯纓仍坐石垂竿也不惡
同來有同志字隣名汝弼期壽昨已到欣然共詩榻
來尋又有約曰濟興适益雖無紅粉携可擬東山樂
蒼生莫有意一卧期三十天地一疏散物外閑歲月

會將登絕頂倒盡山中熟茲遊不可泯翠壁千萬尺

閑居即事

種松已作千株擁移竹今年始數根四面皆山遮眼界卜居元是遠囂喧

雲歛山開欲曉天半春清景正悠然鍾鳴馳逐終何益自辛年來卧石泉

山堂即事

禪房高枕穩山色曉窓多林底幽禽語風中輕鷺斜翠巖留宿霧深峽鎖朝霞誰識此中趣閑雲嶺上過

山中即事

雨後山中石澗喧
沉吟竟日獨憑軒
平生最厭紛囂
地唯此溪聲耳不煩

卧對前山月色新
天教是夕慰幽人
沉疴忽去神魂
爽會次都無一點塵

幽鳥聲中午夢闌
卧看巖上白雲閑
年來世事渾無
意吾眼猶宜對碧山

折芍藥

易枯胡地顏長愁
漢恩薄滿面憶歸愁
無心理鬢綠

泛葵溪流

向日丹心鬢欲秋
朝朝垂淚滿顏愁
如何忽作英州

去萬里風波一葉舟

西子當年一入吳春風秋月醉姑蘇豈知國破無歸處
愁把紅顏泣五湖

贈堯卿

分袂僧家久未歸不堪晨夕戀慈闈喜君匹馬勤相訪
山路雲深更嶮巖

次曹容叟韻

霧捲山青晚雨餘逍遙俯仰弄鳶魚莫言林下孤清興
幽鳥閑雲約共棲

戲次容叟韻

寓物無非養我心休將多語驚高深欲觀靜裏能生
動月滿空山浪撫琴

孤松

羣木鬱相遮孤松挺自誇煙霞秘幹質兩露長枝柯
千尺心應直九泉根不斜棟樑雖有待斤斧奈相加
不似巖邊老舍安歲暮多

上洛路上即事

戊寅秋

大塊之中萬象藏廓然悠久更無疆江河山岳長流
峙日月星辰互隱彰古往今來觀世變春生秋殺見
天常箇中何物能為此一本昭昭獨主張

踰嶺

客行踰嶺下山陰喜聽深林幽鳥音
宦路奔忙違素志無端喚起故園心
一帶煙嵐遮碧嶺千巖松檜肅蒼顏
關山休道間關甚觸處秋風興未闌

水回村

水回巖上數株松爲布清陰候客到
我欲上遊發仙興傲看其下人間路
吁嗟有志不能酬心在清空身下土

谷路間關響馬蹄石泉鳴咽清人耳
兩邊絕壁過千

尋時聽悲蟬紅樹裏

無極驛路上

桑鄉邈在天南極回首千山更萬山遊子多違四方
志何時歸去拜慈顏
風月煙霞是我鄉那知塵土污衣裳紛紛道路驅馳
迫回首長空意渺茫

山中即景

辛巳初夏在三聖庵

平明紅日出東方客在翠微開竹房雙燕飄揚正得
意孤鶯睨睨亦乘陽蒼茫海岳乾端露溼蕩風雲雨
意忙游目偶然窮上下坐看萬物自洋洋

山窓即景

清曉衣冠靜坐峯頭日出窓明默言皆是存養吟咏
無非性情

夢覺有感

常思理欲互相勝幽獨危微倍戰兢一念差來便禽
獸惕然驚起對青燈

長誦虞書十六字一毫人欲便思除工夫尚覺多滲
漏知有神明故警余

山中久雨

身在青山第一峯朝朝默坐向天東鸚鵡啼谷口藏何

處雲滿軒前翠幾重霖雨浹旬沉病骨林泉半月追
塵籠何時霧盡蒼苔露依舊晴窓曉日紅

山中即事

清晨梳罷快憑欄細雨隨風滿碧山野遠青烟橫一
抹林深幽鳥語千般忘機與物聊同樂安分於時獨
自閑乘興渺然迷出處却疑身誤出人寰

喜晴

霧盡山依舊雲收天自如奇觀森莫數真象豁無餘
一妙者消長玄機感卷舒昏明要不遠人孰及求諸

感興

萬象紛然不可窮一天於穆總牢籠雲行雨施神功
博魚躍鳶飛妙用通雖曰有形無有迹本來無始又
無終沉吟默契乾坤理獨立蒼茫俯仰中

夏日即事

羲皇身世北窓涼簾捲虛堂夏日長綠樹陰中鶯喚
友紫荊花下蝶尋芳

聽秋蟲

百蟲迎暮苦啾啾皓月揚輝入小樓莫作西風宋玉
恨任看天地自春秋

辛巳秋西征吟

戊寅年丁祖父憂庚辰冬服闋是年秋除校書博士赴洛

卜吉西征八月時辭親赴闕兩堪悲廬墳愛日無窮
意身隔君門已四期

六日登程萬里身止堂臨別淚霑巾長郊不禁長回
首只爲峯頭佇立辰

七日光風眼共青羈愁別恨客中并日斜強赴江頭
會秉燭鳴琴劇話情

八日光風飲福開親交四坐笑談諧醉中狂興難收
檢日晚僂僂又引臺

九日將行又被留憑欄更賞萬山秋夜添月白軒窓
靜鳴咽灘聲攪客愁

十日朝行與友偕溪山佳處別筵開却憐波面游魚
躍世網那知苦不恢宿新寧

十一聞韶訪子剛居廬三載喜康強情深欲話平生
事因睡不知秋夜長宿聞韶村舍

十二廬前酒一瓶敢將菲薄薦微誠鄉隣親舊來相
送慘目溪山日欲傾

十三朝叢自聞韶滿目湖山霽景饒行到雙溪日亭
午閑吟信馬不知勞宿雙溪

十四西行忽渡頭客中懷抱喜登樓長江列岫無今
古一望悠然憶舊遊宿尚州

十五間關山谷中濛濛烟雨暗西東晚投空館呼郵吏客裏艱辛不可窮

宿化寧縣

十六晨行煙霧霏院樓荒古半歌危停驂嘯咏探真趣冒雨斜穿細路歸

宿報恩

十七新晴雲霧收凜然天氣欲霜秋憑高極目千岑外一片鄉雲碧海頭

宿懷仁

十八崑崙石徑危羸驂倦僕不勝疲行行忽到峯頭

盡天際群峯眼底奇

宿清州

十九有懷地盡頭臨流西望悵夷猶日斜却向長安

道草屋孤村暫借留

時舅氏月城君為忠清監司欲往省而遠在內浦故未果直向長安

二十黎明酒一盃主人有意慰羈懷
崎嶇竟日穿溪澗煙雨千山鎖不開

宿天安

廿一天安晨發行廓然區宇屬新晴
關山客久秋將晚擡眼那堪望玉京

宿竹山

廿二平明細徑尋半輪殘月在天心
日高溪畔炊烟起回首雲山意轉深

宿龍仁

二十有三曉發仁斜陽立馬漢江濱
天長地闊愁南望身別萱庭隔幾晨

身世曾經幾險艱如今始喜達長安
致君堯舜慚無術只把平生一片丹

九日無菊月課

欲掇金錢泛酒卮，登高空折未開枝。
傾壺漸發愁中笑，滿帽難成醉後奇。
吟殘縱能酬晚節，清芬堪嘆負佳期。
仍驚物理渾如許，吐馥流芳貴及時。

崖山懷古

一點青螺浩渺邊，興亡千古思茫然。
北風塵起乾坤破，南極溟翻山岳顛。
六尺飄零舟已覆，孤忠凜烈節猶全。
只今波底無窮恨，化作愁雲鎖海天。

下灘壬午

度了群灘免激衝，扁舟穩泛萬波中。
順流縱得東風度，了却群灘免激衝。

便更勸毋休擊棹功

舟行如箭下奔灘百里雲山一瞥間見義若能如許
勇死生榮辱處無難

晚興

風定煙消鏡面空數聲柔櫓夕陽中却嫌未快湖山
眼迥立船頭數亂峯

夜興

天宇無塵掛片金明珠萬點散江心一聲欸乃蒼茫
裏時聽晨鷄叫遠林

舟中即事示柳子晉

名順源乃先公
同年同舟數日

日出天開雲未消滿江疎雨更蕭蕭舟行但覺千山
轉灘急無憑兩櫓搖白鷺沙頭閑點點烏衣波面謾
飄飄忘機物外須窮勝身入紅塵隔幾朝

舟中奉別子晉

義分自先人疎愚愧此身睽歡悲夙昔奉袂喜今晨
烟月江天夜風埃嶺路春襟懷如一夢分袖轉傷神

溪邊秣馬即事

下馬坐溪邊寒衣步清灘淺小石露激激鳴佩環
清飈來水面灑然神骨寒飄飄若羽化俯仰雲天寬
仙興浩難收沉吟坐石端濯足聊自縈超然謝塵寰

至趣獨自知日斜猶忘還

到烏嶺寄舍弟

癸未

天涯乘興費幽吟秋盡江頭別意深
匹馬十年南北路三盃千里去留心
蕭蕭落葉龍湫畔慘慘寒雲烏嶺陰
懷抱此行殊鬱結夢魂頻繞舊園林

舟中即事

列岫蜿蜒去不留悠然自在水中流
錦屏影裏孤帆暮綠鏡光邊兩岸秋
雲盡碧空悲一鴈波恬斜日戲群鷗
宵中浩渺無涯興獨立蒼茫騁遠眸

竹山客館次板上徐相公剛中

韻

甲申六月拜仁
同縣監赴任

明 蘇軾詩集卷一
北
乘興南來獨上樓徘徊故里思悠悠許歸偏荷
君恩重字牧慙非杜召儔

天際愁雲入眼浮憑高幾恨日西流如今得意登臨
處更有青山擁小樓

宿比安小樓

屏山橫野外遠客宿樓中梧葉當窓翠荷花點水紅
蕭蕭疎雨響艷艷綵雲籠獨坐沉吟久悠然見太空

李吉甫江亭次子晉韻

堪嗟身世落規矩是夕投閑剩賞秋萬古江山如待
我一帆壺酒訪名區天高星月清人骨日晚笙歌散

客愁更喜登亭詩眼浩坐看雲際碧千頭

次諸年兄韻

丙戌初夏會遊于羊汀

由來嶺表士多名吾榜人稱最得英使節遠臨煙水
曲烏山更帶古今情喜看清洛流無盡休羨紅塵醉
未醒勝會十年唯見一座中誰復繼高聲

是會也萍水之歡弟兄之懷則於諸公歌咏
備矣至於讌具之麗探討之奇江山之勝景
致之真則蓋未有及焉故粗述其一二錄呈
望而無示諸年兄

望而即太斗南也

使君江上讌同年蕭管羈天酒似泉佳境剩探千古

秘勝遊應該一時傳疎星淡月微茫裏遠出長林浩

渺邊乘興杳然迷出處箇中風致敵蘇仙千古秘指

在江頭烟柳邊甚奇絕蓋以幽隱昔人未曾知而得名

義興客館有懷次板上韻

困客投空館徘徊意思清映軒新竹淨侵砌綠苔生
境僻無人語林深但鳥聲一城堪吏隱緣底役虛名

龍安驛曉發丁亥孟春里辭向南

十年南北鬢新華辛苦平生客裏多角上功名愁道
路枕邊魂夢繞山阿遲遲紅日雲霞曉曷曷青烟遠
近家極目天東雲一片巉巖鳥嶺望中遮

踰嶺五吟

疊嶂層巒鎖翠嵐興亡千古獨巖巖青丘萬里今歸
一不用雄誇限北南鳥嶺

間關幽鳥已春聲窈窕崎嶇信馬行洞裏煙嵐三十
六自慚身世縛塵纓洞府

山雪初殘幽澗鳴磨金戛玉耳偏清十年枉費紅塵
走誰識林泉有宿盟石澗

落落亭亭歲月深托根蒼壁已千尋人間斤斧何曾
到傲雪凌霜保直心巖松

寒潭幽黑莫窺尋從古人傳神物潛覓望三農連歲

苦興雲幾日作商霖龍湫

孤山野

客路風煙嶺外春
閑吟信馬碧溪濱
沙頭鷗鷺休相訝
我是忘機物外人

春入江村霽景新
家家桃李揔精神
天翁有意慳紅紫
待我還家對酒樽

次曹容叟韻

平生思晦不思彰
種得松篁擁小堂
擬把詩書潛一世
敢將螢爝補三光
紅塵十載驚迷路
青眼今朝喜返鄉
珍重故人多厚意
提壺相訪慰衰郎

久屈高才道未彰
林泉佳處構書堂
聊憑鏡面看雲影
時把杯心弄月光
本體昏明要主一
靈機出入戒迷鄉
羨君真樂此中會
堪笑馳名老省郎

定慧寺話別

一夜雲林魂夢清
重尋碧澗濯塵纓
沉吟坐久忘歸去
山色依依亦有情

舟中謾興

積雨新晴雲霧收
風生波面送輕舟
青山曖曖明殘照
白鷺雙雙沒遠洲
浩渺一望天共遠
朦朧半夜月同流
鳶魚俯仰無邊興
誰識洪流逝不留

望栢栗寺有懷

蘭若遙看住翠微
碧松脩竹轉依依
人間有累難超脫
仙賞年來志久違

雪中寄山中友人

己丑

一壺聊寄山中客
獨酌遙知卧月邊
恨無王子剡溪棹
共賞千峯雪後天

山中書示友人

雲盡山空月正明
夢闌禪榻客魂清
靜來依舊真源浩
悔向紅塵役利名

次清道清德樓韻示主人李使君煥

庚寅

綠酒對青眼紅塵欲白頭郊平烟十里樓古月千秋
雲嶺尋無日萍蓬跡似浮徘徊慕清德留詠有孫侯
約與友人尋雲門山未果外曾祖鷄城君曾歷此郡
有題詠孫氏世以清白著名樓名實相符故及之

慶山客館次徐剛中韻

簷短宜迎月山橫碍望江鳴鳩枝上七飛燕雨中雙
境靜聊觀物心閑穩倚窓題詩畫真興那用筆如扛

直薇垣辛卯春

玉漏丁東報五更枕邊涼月透窓明關心宗社安
危事耿耿終宵夢不成

寄舍弟子容

天南漢北路茫茫旅鴈何時更著行
遠別不知官爵好思歸苦覺歲年長
屋頭新竹應森秀籬底稚松想就荒
一檝動顏猶未遂朝朝腸斷禁城傍

晦齋先生集卷之一

晦齋先生集卷之二

律詩 絕句

登前峯觀望

辛卯春以司諫罷還江鄉

雲收天際山如洗
雨歇江頭草似茵
景致千般誰獨
管蒼山高處倚閑人

一抹清烟綠樹村
千層濃霧碧山根
望中奇勝添真
興物外江山亦主恩

明遠樓送崔判官換歸尚州

霽景千山晚
危樓二水潯
登臨聊縱目
離合且開襟
五載爲民意
三盃送別心
秋清應赴洛
江海詎重尋

遊佛國寺次佔畢齋韻

俯仰乾坤大逍遙雲水重鳶魚探一妙泉石傲千鍾
殘夜月華吐清晨嵐翠濃十年尋舊隱衰鬢愧髻鬆

澄心臺即景

臺上客忘返巖邊月幾圓澗深魚戲鏡山暝鳥迷烟
物我渾同體行藏只樂天逍遙寄幽興心境自悠然

次魚子游壁上韻

坐看山光變紫藍幽栖偏覺一瓢甘逍遙遠涉清真
界雲盡天空月印潭

孤松相伴倚潭臺山晚幽禽自去迴勝景人間那有

此恠他遊客不曾來

謝金戚丈

嗣

山中見訪

幽棲樂靜遠塵機
澗古林深俗迹稀
半日閑窓陪杖屨
滿山嵐翠亦增輝

贈友人

鹵莽無成愧古人
半生鶻突走風塵
探真賴有林泉勝
不覺清霜染鬢新

病生輕情終離道
心苦提防遠聖賢
那似靜中存妙體
從容真樂自天然

親老何嫌仕爲貧
窮通由命不由人
官閑須著鍊丹

力要獻君王壽我民

復用賢字韻別寓遠送之懷

強矯多君志業專潛心經訓慕前賢
虛懷處世要沉晦存道由來貴闇然

山中次友人韻

翠微萬疊深紅日半山陰對客雲生檻
接琴風滿林清溪秋欲到白酒晚相斟
多謝松門訪慇懃細話心

新雪

新雪今朝忽滿地恍然坐我水精宮
柴門誰作剡溪訪獨對前山歲暮松

探道年來養性真
爽然心境絕埃塵
誰知顏巷一簞足
雪滿溪山我不貧

早春遊山
壬辰

公路潺湲聽更新
喜看林壑已回春
幽居俯仰探玄化
萬紫千紅目擊真

曲曲清溪繞石流
尋花問柳興難收
世人不曉林居樂
應笑巖邊卜築幽

次南士渾韻

洞天幽遠鎖烟霞
相訪知君故意多
却將十載塵寰事
話到西巖月半斜

已將身世落雲烟乘興逍遙境外天敢擬巖巖蘇旱

雨一溪風月最堪憐

南詩有空歛齋川舟
揮手之語故及之

次金彥叔韻

杖藜尋壑帶山童林下蕭然一野翁
款款情懷十年舊自多生世與君同

江上贈同遊諸君

山爲屏障草爲筵滿目平郊霽景鮮
試問塵間揮汗走何如把酒坐江煙

湖山清興浩無邊又值鶯花四月天
誰喚幽人碧溪畔一尊留與賞風煙

山中贈別

夜靜虛堂萬念灰坐看巖上月徘徊怡神喜有溪山
邃補袞慙無魏陸才淵源似海迷涯岸軒冕如雲任
去來珍重相知只相保休將襟抱向人開

一卧雲林世界輕卜居從此老巖耕回頭萬象渾無
碍舉目羣峯摠有情日出蒼旻昏霧霽風微碧海怒
濤平清高境界稀塵迹對榻何時眼更青

散步雲泉病脚輕滿山紅樹盡秋聲盈虛誰識一元
妙榮悴聊觀萬物情真樂便從閑裏得靈源端向靜
中明年來世慮都消遣只把幽懷寄遠行

重陽後一日臨溪對酌

九日登高已負期不妨臨水強傳卮金錢滿地芳堪
摘錦障橫郊晚更奇酩酊歸時宜帶月逍遙樂處且
題詩人間勝景無如此此日年年玩綵綺

挽鄉友

十年遊宦困塵籠三徑歸來鬢半鬆里閑蕭然諸老
盡江山依舊與君同盃樽款款烟橫野談笑依依月
上峯此會香花今已矣憶君何處更相逢

偶吟

聞朝廷以術業八事選錄朝臣曰經術
詞章史文漢語醫術地理音律寫字

種學辛勤鬢欲華生平事業竟如何十年用力明誠

地却愧無名預八科

壽母生辰次友人韻癸巳

堂上慈顏鶴髮垂小軒今日壽筵開蒼松翠竹千年
色共帶春風入酒盃

醉成謝殷佐開筵勝境見邀

鄉老輩亦來預

落照明霞映白尊慙慙携酒送殘春黃巖綠水渾依
舊素髮蒼顏盡故人

性僻由來愛水山每逢佳處便忘還開筵勝日知君
意細酌聊成半日歡

次殷佐韻

野鳥弄清晨巖花殿晚春一樽臨碧澗幽興屬閑人

病起登詠歸亭

病起林亭望遠峯蕭蕭兩鬢又秋風眼中景物隨時
換山下流川浩不窮

雨歇平郊霽景新雲山滿目慰閑人人間苦厭多喧
競舊隱溪山入夢頻

山堂聞琴

夜靜憑闌思浩然我洋堂上動林泉鯤鵬擊海三千
里鸞鳳鳴岐五百年入院清飈來翠竹滿山涼月帶
啼鶯春霜世慮都消遣斗覺胸襟本體全

次翰林學士王先生哭文丞相韻

三百宗祊翰海窟孤忠向北獨何之天昏慷慨扶舟
日雲暗從容就市時大節已從衣帶決丹心留取古
今知山齋寂寞披青史揮涕聊題吊古詩

挽戚文金訓導字嗣

山澤猶存廊廟志襟懷聊共野人開垂竿未遇文王
獵伴月時傾太白孟種竹成林驚歲晚栽花滿砌喜
春回莫言事業無傳世齒德生榮死亦哀

功業平生萬卷書烟霞送老一茅廬琴碁得趣貧無
恨畎畝忘形樂有餘勲烈縱無垂竹帛德言猶足範

鄉間人亡物是增傷悼喬木依然擁舊居

齒德俱尊鄉里敬陪隨杖履自髫齡十年從官頻還
往一榼臨溪幾送迎故老凋零山獨在村間索寞月
空明傷心獨立無窮意脩竹依依繞舍青

挽南進士世豪

南為賊所戕問而挽之

獨把瑤琴少解音感君相訪到雲林慙歎禪榻一宵
夢冷淡齋十載心禍福冥冥天莫詰幽明慘慘怨
空深平生契約終難遂永訣今朝涕滿襟

山亭即景

甲午

幽鳥弄春春更靜游魚吹水水生紋無心清樂無人

會竟日憑軒伴白雲

川上敬次朱先生韻示同遊諸子

滿目湖山霽景新
浩然天地一閑人
蒼波白鳥供真興
更有流鶯喚晚春

溪畔閑行步步遲
獨憐明月印澄漪
芳洲日暮忘歸去
波面清風細細吹

初夏野興

野水潺湲流不盡
幽禽款曲向人啼
閑吟閑步仍閑坐
十里江郊日欲西

林居即事

一卧雲林歲月流晚來乘興步林丘石田種豆蒿菜
茂碧樹蟬聲已帶秋

哭金兵使振卿

鐸

神交一世似塹堠離合升沉志不移尊主庇民君有
術樂天知命我何疑芳春海曲同舟日炎夏樓頭對
月時此會渺茫今已矣憶君無復見風儀

磊落英姿照士林愛民憂國見丹心清風惠故人咸
慕瑞鳳靈芝世共欽受鉞已愁虛補闕斷絃偏慟失
知音他年遊歷伽倻下宿草猶應涕滿襟

秋日登高望遠憶三友金振卿

千里雲山望欲迷故人遙憶洛江西一生襟抱憑誰
說滿目秋光更慘悽

去春來訪竹林村款款情懷酒一樽別後茫茫消息
斷此生無復叙慇懃

山行即景

馬上長歌梁甫吟人間無處可開襟蒼茫歲暮千山
瘦嗚咽泉鳴一路深半世崎嶇多涉險萬方休戚尚
關心公溪日晏通平坦十里漁村月滿林

栢栗寺謝友人乘雪夜訪

雪天山夜喜君來把酒憑闌更快裁天地中間興無

東齋集卷二
八
盡笑他王子到門迴

日出雲收眼界開
登樓對酌穩談懷
休言騷客淡生
活雪滿千峯酒滿杯

林居十五詠
乙未

早春

春入雲林景物新
澗邊桃杏認精神
芒鞋竹杖從今
始臨水登山興更真

暮春

春深山野百花新
獨步閑吟立澗濱
爲問東君何所
事紅紅白白自天真

初夏

又是溪山四月天
一年春事已茫然
郊頭獨立空惆悵
回首雲峯縹緲邊

秋聲

月色今宵分外明
憑欄靜聽已秋聲
商音一曲無人會
鬢上霜毛四五莖

冬初

紅葉紛紛已滿庭
階前殘菊尚含馨
山中百物渾衰謝
獨愛寒松歲暮青

悶旱

農圃年年苦旱天
邇來林下絕鳴泉
野人不識幽人意
燒盡青山作火田

喜雨

松檜一夜雨聲紛
客夢初驚却喜聞
從此青丘無大旱
幽人端合卧巖雲

感物

卜築雲泉歲月深
手栽松竹摠成林
烟霞朝暮多新態
唯有青山無古今

無爲

萬物變遷無定態
一身閑適自隨時
年來漸省經營

力長對青山不賦詩

觀物

唐虞事業魏千古一點浮雲過太虛
蕭灑小軒臨碧澗澄心竟日玩游魚

溪亭

喜聞幽鳥傍林啼新構茅簷壓小溪
獨酌只邀明月伴一間聊共白雲棲

獨樂

離群誰與共吟壇巖鳥溪魚慣我顏
欲識箇中奇絕處子規聲裏月窺山

觀心

空山中夜整冠襟一點青燈一片心
本體已從明處驗真源更向靜中尋

存養

山雨蕭蕭夢自醒忽聞窓外野鷄聲
人間萬慮都消盡只有靈源一點明

秋葵

開到清秋不改英肯隨蹊逕闔春榮
山庭寂寞無人賞只把丹心向日傾

送李進士

乙奎向洛

春深回首碧江頭浩氣聊同大化流萬物得時皆自
樂一身隨分亦無憂愛君溫雅才超衆愧我摧頽鬢
滿秋獨抱瑤琴相識少別來誰與共尋幽
君歸遊泮謁先師忠敬應須好自持軒冕如雲道義
重只求心得不求知

病中書懷寄曹容叟

五載優游只樂天林泉烟月送殘年經綸志業終無
用洙泗源流喜有傳學道未成身欲老觀書久廢病
常纏何時暑退沉痾去携酒臨江償夙緣

雲上於天湛宴樂誰知君子困中亨人間萬事渾無

念只願秋來病脚輕
優游湖海自堪娛世慮如今似雪爐待得神清真氣
泰一身還是一唐虞

樂天

乘興逍遙展眺遐暮天雲盡碧山多茫茫宇宙無終
極俯仰長吟浩浩歌

兄山江上

湛湛江水本來清雨歇今朝濁似涇萬古不隨清濁
變巍然江上數峯青

江上對酌偶吟示座中諸君

水清沙白浩風烟把酒臨江思渺然滿座親交俱半
百同遊追憶廿年前

清江落葉正紛紛野菊凌霜獨自芬得趣只應隨分
樂世間醒醉不須分

沙頭歲晚對芳樽萬類榮枯本一尤入眼雲山俱物
外滿江風月亦君恩

記夢

乙未冬十月十一日余在山莊夢入侍
便殿天顏溫粹慰籍頗厚臨退余獨

進俯伏

上前啓曰臣有病母遠在不得久

留朝行將辭去上悵然執手有眷戀之意余

仍啓曰古人云靡不有初鮮克有終願

下慎終如始則福祚無窮矣上怡然嘉納

遂再拜而退忽覺身卧山房涼

月滿窓起坐惺然遂書二絕

夢入君門侍燕閑披襟啓沃近天顏覺來依舊
空山卧窓外蕭蕭月色寒
優游山海樂雖深皓首猶存報國心咫尺溫顏
獻忠款感通還自愧商霖

偶吟寄容叟

丙申

郊頭耀目盡春葩遙賀吾兄體氣和萬事人間都
安不妨頻約玩清波

曲江侔宋君天章設壽酌以書見邀有疾未
赴書一絕以謝

開筵遙想壽萱闡一邑爭看戲彩衣病客怯寒空縮

首不堪東望但嘯唏

謝宋天章臨慰壽席

知心那作世人顏
冒雨衝泥不厭艱
春入北堂猶冷落
感君相訪助情歡

奉次李府尹

賢輔宴族親韻

只把仁慈撫四封
蒲鞭風化已旁通
葭莩爲設同庭宴
耄艾爭觀十里空
貴賤懸殊元一脉
親疎雖異總聯宗
祖先餘慶今方見
飽德尊前盡感衷

送李府尹親老辭職還鄉

軒冕羽輕忠孝重
能知輕重世無人
青春連佩八州

日齋集卷二
印華髮猶存百歲親此去戲斑心更展他年投釣道
應伸堂開愛日人咸慕駐景椿庭信有因

吏散庭空鈴閣靜時同野客樂尋幽登山臨水千年
恨戀闕思親兩地愁斫膾每期紅蓼岸開襟曾上碧
松樓叨陪遊賞今難再一別悠悠隔幾秋

浩然歸興挽無由魂夢先尋某水丘八望白雲猶帶
喜逢春黃葉揔含愁烟霞境外探玄化功業人間賸
大猷會合塵寰那得料莫辭臨水更淹留

知非吟

今我行年未五十已知四十五年非存心却累閑思

慮體道安能貴顯微爲義爲仁不用極處人處已又
多違從今敢憤忘身老寡過唯思先哲希

謝宋天章惠松簞海鮮

嘉貺頻頻無水陸誠心老老似君誰村厨久闕珍鮮
味鶴髮今朝喜上眉

天章來訪山齋僕適出不遇詩以爲謝

吏隱知君有雅襟抽身時復訪雲林主人適去山無
路獨對寒松伴月吟

遊密谷寺

遊賞雲泉廿載前重來雙鬢已蕭然溪聲岳色渾依

舊懷抱如何異少年

野亭對酌丁酉

十里江郊日欲斜一樽相對費吟哦
青山白酒年年好芳草清風處處多

山中喜晴呈府尹李公裴仲

一氣無私萬物春青青庭草雨中新
民和政簡鈴軒靜時有瓊章寄野人

苦雨連旬已半春今朝晴景喜清新
閑吟獨步尋幽澗野柳山花揔可人

挽徐訓導守造

鶯入新年語花開滿故枝物衰還有日人逝返無期
抱怨重泉暗銷魂諸友悲行修罹禍酷天道邈難知

又

無妄禍難測呌天天漠然親朋心共破行路涕還漣
雲慘公山路風悲二水邊平生遊賞處唯有月娟娟

齋菴次過容壁上韻

懷珍未遇易中頤閑適林泉歲月遲獨抱聖經消永
日孔墻高遠尚難窺

齋舍次友人韻

多謝諸君佩酒來一軒相對穩開懷莫嫌歲暮山光

明齋集卷二
淡春色先從面上迴

到浩然家

歲暮溪山幽興多西行信馬到君家
天寒百物無顏色獨愛凌霜菊有花

次大鵬韻

澄潭勝日喜同臨源遠軒前更淨深
伴月逍遙朝復暮白雲巖上共無心

山中別李學錄圖南

別後憑欄山更靜清溪鳴咽有餘情
松間忽見水輪踴羨爾能兼兩地明

奉送許府尹敬之還洛

曾逢大槐十年前又受仁恩儘有緣野性已成耕釣
計別懷今日浩如川

足聯句

江沉山影魚驚遁峯帶煙光鶴怕栖物塞固宜迷
安人通何事誤東西

魚疑出陸而驚
鶴疑入網而畏

晦齋先生集卷之二

晦齋先生集卷之三

律詩 絕句

丁酉冬上洛贈鄉友

十一月金安老敗死十月承召命赴闕

陰盡陽迴萬物春
強將衰朽入紅塵
莫言輔主無才調
一片丹心老更新

行路遲遲更小留
依依烟景舊林丘
寄言猿鶴休驚怨
投綬還山未白頭

玉堂入直次宋眉叟韻

戊戌

半生漁隱碧江隈
長伴沙鷗自去來
豈意白頭經幄侍
又逢青眼繡襟開
禁林共玳嬋妍月
蓮閣時傾瀲

灩盃珍重更加調攝力 聖朝方擬濟川才

舟中即事

細雨秋江曉渺然江水平濛濛烟樹遠點點沙鷗明
一路開清鏡兩邊列畫屏巖棲瑤草綠石戴維松青
雲斂天看碧霧消山露形五雲勞止望雙鯉寄南征
灘咽舟偏駛人閑山自行飄飄如羽化渺渺訝登瀛
誰弄桓伊笛如聞子晉笙百蟲依草咽雙鷺近人驚
清空寓真趣塵土斷幽情見塔心還爽瞻軒意自清
清遊嗟不暇登眺又無名擊棹依依逝回頭隱隱聲
片帆依渚疾孤鷺入雲冥群嶺東南隔殘山西北橫

尚愁灘石險幸免晚風寧
洶洶萬波亂搖搖一葉輕
身安自妥帖心靜不危傾
備歷艱礪閑探萬景呈
高懷薄雲漢清興滿襟靈
身入蒼州月神迷赤陸冥
何時趨御幄咫尺待論經

題迎喜院

今古新官避此路我行唯覺坦
而夷欲將道畔莓苔石斲作
千秋破恠碑

寄舍弟子容己亥秋在全州

一輪月長共千里夢相隨
旅鴈分行久鄉雲入望飛
林泉懷舊隱霜露起遐思
秋盡方歸省荒山宿草垂

寄子容

以全州尹承

召命赴洛

南望千山雪，北來兩鬢斑。
慈闈異鄉滯，遊子旅懷酸。
歲盡愁多緒，天寒寢未安。
何時會簪笏，歸侍一堂歡。

題陽智東軒呈主人權使君

庚子二月向南

小縣依山麓，蕭條十室殘。
種花探造化，引水弄潺湲。
境靜人烟少，庭空野馬閑。
分憂得賢倅，民物揔生歡。

竹山路上

竹館春宵短，青郊朝日遲。
塵埃勞病脚，湖海展愁眉。
鳥嶺南天半，雞林東海湄。
故園花落盡，遊子負歸期。

驪州路寄舍弟

三月向洛

公路芳春百物榮我懷緣底苦難平客愁不逐江烟
散幽恨紛如野草生鶴髮頻揮憶遠淚鵲原又喪哭
兒明此行已決歸休計軒冕如今一羽輕

龍安驛早發

秋向南

曉日昇寥廓千巖烟霧消愁看烏嶺峻眼入海天遙
濃淡山容變行藏鬢雪飄歸田計未遂南北一身勞

先君諱日在洛寄舍弟

辛丑

身在洛城遇諱辰感時追遠涕霑巾遙知家廟若孤
省堪嘆羞觴我獨陳趨庭遺訓猶存耳裏栗悲顏似
隔晨此日難堪遊楚慟便思投綬奉孀親

夢見亡姪元慶

庚子春在湖南病逝

一訣長違已隔年
幽明殊境兩茫然
孤魂飄泊將何
托此夜分明未了緣
旅夢遠迷湖外月
英靈果入漢
邊烟相尋知汝情
難泯握手哀號欲問天

次寄舍弟

青燈空館照孤心
憂世思親此夜深
軒冕如雲歸思
苦春來幽興自難禁

久違親側聽無聲
梅塢春深已落英
恠我逢歡歡更
少知君遇景涕還零

門衰無計慰慈闈
積善須知是福基
報國微誠香一

炷嘉君晨夕日忘疲

次李進士定之韻

五載酸辛飽世味怡愉數月侍親庭人間至樂無如
此此外浮雲非我榮

暮年強健保天和畎畝風烟樂不窮義皇上客吾兄
是鵲咏朝朝小檻中

今春不雨大無麥又聞西疇少插秧自愧空疎忝侍
從凶年無術撫流亡

謝李仲卿送櫻桃酒餅時寓縣館

含精箇箇染砂紅珍美真堪薦廟中嚼來頓覺眠魔

適午枕無緣夢周公

久旱今年春復夏逢人畎畝摠愁容朝來霖霖新霑足笑酌村醪慰客中

團團白餅滿筭香旅榻細啖偏識味何緣得此數千斛散與飢民俱不死

送權景遇以千秋使赴燕京

同朝何幸又同襟送別樽前萬里心秋晚關河添客興夕陽臺觀費幽吟五雲閭闔燕天杳百代衣冠舜化深多羨遠遊收拾富自慚鉅繫雪盈簪

風度推君瑞世英青春銜命再朝京遙知彩鳳初庭

峙應使華人共目傾地迥剩探千古勝月明兼照兩
鄉情憑君莫恠求真訣授絃他年學養老

龍安郵館別舍弟

仲冬舍弟辭職歸侍遇於郵亭

相逢江館烟霞晚慘別忽忽兩惘然烏嶺南瞻挿天
際漢山西望隱雲邊悠悠去住難消恨草草功名苦
被纏何日休官湖海去春風舞彩戲樽前

在洛寄舍弟

壬寅

平生枉被虛名誤遊宦多年戀故林臨鏡頻驚衰鬢
改寄書難禁別懷深喜君授絃承親志愧我縻官拂
素心忠孝由來無二致忍虧天畀日思欽

多病年來鬢添雪夢魂夜夜繞園林望雲眼共南天
遠愛日情同址海深齟齬未酬經世志怡愉徒切奉
親心思歸軒冕輕如羽未暇都俞輔舜欽

寄舍弟

莫嗟心事苦蹉跎得意還朝鬢未皤
芥視功名侍親側如君誠孝世無多

平生志業幾蹉跎重入天官鬢已皤
報國無階慚薄劣望雲歸思入春多

次舍弟韻

還家中夜夢初成忽覺依然卧洛城
落盡山花歸未

得樗材還愧玷華清

親老未歸計未成金章那似倅殘城平生心事多違
阻却恨虛名徹穆清

贈別舍弟

遠送山亭鶴髮垂尊前忍涕黯然時去留是日情無
盡況乃音書別後稀

士生唯貴善名垂仲屈榮枯自有時順志辭官人共
慕能知輕重似君稀

慰親留別強登峯百里山光滿眼濃去住魂消天欲
暮遲遲驅馬恨纏綿

客中次舍韻

宦遊那禁白雲思
踽踽朝端愧少施
鏡裏只添雙鬢
雪自嗟遲暮病相隨

雲山千里隔
堂庭遠宦何能一刻寧
綬紱喜君留定
省爲祠爲養構茅亭

登水田村松巖

携朋探勝引詩鉤
竹杖尋幽興未收
白石半苔臨水
曲蒼松碍日老巖頭
烟霞道畔非凡界
塵土人間別
一區境外逍遙聊
竟夕箇中收拾富於周

溪邊送別

秋來幽夢斷紅塵白鳥蒼波興轉新一笠行裝殊淡
泊短琴風韻更清真浮雲任却閑舒卷游氣看他謾
屈伸唯有別筵無限意樽前談笑暗傷神

洛中得舍弟書

壬寅臘月余在中書齋所得
鄉音愁喜交并竟夕不眠

鴈聲今多客中聞千里晨昏獨倚君一字萬金愁暫
破二更三點夜將分羈懷耿耿頭催白聖訓悠悠眼
欲昏歲暮天寒歸思切已將軒冕擬浮雲

二十年来倦遠遊自嗟衰晚未歸休神魂一夜分南
北聖寵慈恩兩未酬

設壽酌次舍弟韻癸卯

遠宦何能一日寧
簪纓不識世間榮
春風舞彩多傷感
鶴髮今踰七十齡

踏青

故國春深花正繁
遊人簫管滿城喧
林林動植俱歡適
誰識乾坤雨露恩

暮春遊山

雲山白首愧重尋
烟景依依認故林
滿眼桃花春欲暮
一樽臨水費幽吟

春日登亭

春深碧草遍郊原
俯仰聊探萬化源
謝盡千紅無一

句誰知真樂在無言

贈別舍弟

今朝堂上慘慈顏
游子臨離暗涕潸
此日情懷殊罔
極我行唯欲未秋還

鶴髮登亭望遠行
悠悠無盡去留情
故山漸遠頻回首
山路冥冥日欲傾

聞慶客館次舍弟韻

未盡三春膝下歡
夢殘山館亂愁端
簪纓恠我長離
側菽水多君善慰顏

次聞慶小軒國卿韻

碧雲低入檻幽澗細通池靜會忘言趣沉吟不在詩

中原訪長吉不遇

爲訪幽棲江上村依依垂柳護柴門幽人不見山將
晚滿眼煙波空斷魂

舟中即景

清曉雲收鏡面清微茫列出漸分明峯頭紅日遲遲
上巖底幽禽款款鳴

萬點青山一水橫數聲簫管入空明風生波面鱗鱗
細雲散遙空片片輕

霧盡風殘水似天一江烟景正悠然擡頭漸喜長安

近三角崢嶸五雲邊

贈舍弟八月拜本道監司還鄉

蕭蕭華髮映青山故國猶榮建節還遊宦幾年勞遠
夢觀風是日慰衰顏

秋晚高堂鶴髮明臨分不忍兩傷情自慚縻世長離
側喜汝投簪一羽輕

寄舍弟

咨詢湖海值清秋衰晚猶存進退憂感君愛日投簪
紱憫我違心強遠遊

次澄心軒韻

蕭蕭華髮映江流一落塵籠度幾秋追憶舊游年正
少依依雲物使人愁

心似澄潭靜不流坐看萬物自春秋簪纓歲晚輕如
羽只有江湖戀闕愁

樓下清江日夜流不隨山色變春秋登臨半日生真
興物色還添感古愁

嶺南樓宴日本使臣受竺東堂書以贈別

秩秩賓筵禮少愆湖山佳興更悠然千尋鯨浪勞舟
楫百尺樓臺開管絃兩國歡娛憑信札一樽襟抱付
詩篇莫言嶺海分區域稟賦元初本一天

次盈德東軒韻甲辰

歲窮衝峽雪春早抵邊城天共滄溟闊風和晚雨清
寒雲凝遠出飢鵲噪空庭夜久軒窓靜唯聞鯨浪聲

又

春光回絕徼煙景慰愁人紅入朝霞爛青歸野柳新
塵寰厭未謝蓬島望難臻役役驚衰晚南遊戀紫宸

踰泣嶺

歷盡闌干峻方通地步夷雲重山隱顯谷轉路逶迤
松檜透風日英靈護險危陽明邪自遁何用強名碑

次都事泣嶺韻

聞道群仙海上居含情悵望倚觀魚三洲縹緲迷煙
霧萬頃蒼茫蘸碧虛擬遊汗漫乘黃鶴轉向巉巖策
困驢回首天東無盡意斜陽駐馬更班如

次都事韻

春光猶寂寞雲日乍晴陰病眼山堪對衰容鏡懶臨
世情曾厭薄真境欲窮深遲暮愁原隰詩書負宿心

又

梅綻春將半雲來山更陰風烟飽探討樓觀倦登臨
愁向樽前破歡從幕裏深清宵獨不寐殘月照孤心

書李知事愛日堂

疊石構亭臨水曲天成佳勝付幽人聳巖巖境爽非凡
界愛日情深見性真景晏郊頭青冪冪風生江面碧
鱗鱗陪歡半日聞清咏款款心孟孟厭頻

次北川早春韻在高山

南來跋涉遍山川白首咨詢志未宣世遠軒虞風不
復琴希洙泗韻無傳千林得雨含生意四野逢春少
惠鮮未識化源勞簿領有時臨水靜觀天

次一善東軒韻

養真經世兩無成持節南州鬢雪明路入溪山多得
趣春深臺觀少纓情時清只願存三鑑親老還思乞

一城探化雲林空慕古半生端悔役虛名

白塲寺吟得二律錄呈眉叟求和

與宋眉叟約會此寺

碧澗黃巖步步新騰身幽討意殊真似投簪紱歸山
日如入桃源失路人青眼幸同傾綠醕白頭還怯踏
紅塵平生此會知難再別後應傷兩地神

青燈一夜共雲泉晚景相逢轉惘然韻斷韶鈞風不
變波殘瀟洛語空傳安危一念頭催自得喪忘機道
自全聚散人間無定態且須臨水細論天

敬次惠韻

眉叟

山嶺上春風物色新尊前笑罷道吾真夢驚西省遠

鸞鏡心折南關隔美人談話偶留孤寺榻曾懷爲
說十年塵江湖未散憂天下前席何須說鬼神
思歸苦說舊林泉把手相看却悵然大道欲聞嗟
我晚斯文未喪要公傳靜觀只有鳶魚樂達識何
論木鴈全碁局已知人世理休將萬事問蒼天

遊白塲寺又得尋字錄奉眉叟使軒

一區烟水偶同尋十載真襟半夜深青眼燈前驚曉
磬白雲巖底聽幽琴客懷渺渺山將晚溪柳依依日
易陰歸路吟鞍無盡意舊遊回首隔重岑

敬次

眉叟

一春梅柳共君尋古寺蕭條客意深誰遣春樓飄
鳳吹翻教石室弄胡琴溪邊細草移厨晚天際輕
雲接水陰幽興未衰分手去迢迢歸路向遙岑

奉呈嶺南方伯行軒求和教

肩叟

蕭寺相逢處春風欲暮時燈前青眼舊客裏白頭
悲盡意添杯杓驚心忽別離二南同見月千里片
心知

奉次

白首對尊酒青春餘幾時雨晴看柳喜風急惜花悲
大化驚消長塵寰有合離我洋心上妙絃絕少人知

再和眉叟韻

君子羞談命寧論時不時關心皆至樂入手或深悲
世道曾澆薄民生久渙離他年同草木誰取姓名知
更步前韻寄眉叟

嶺海淹留且食新迷方何處可尋真獨將詩酒酬時
俗兩廢公私負古人月白軒窓無夢寐春深京國少
音塵坐忘世事誰非是賴有清風與會神

試見涓涓始達泉吾心近取信同然萬殊縱向爲魚
著一本難從說話傳多事豈知徒用智無爲誰識是
求全高吟几案風來晚回首梧桐月到天

高樓岌岌壓千尋檻外春江雨後深風日好時相送
酒簿書稀處獨鳴琴歸心直與長天遠爽氣遙分綠
樹陰世界此中真廣大卧看飛鳥沒煙岑

次龔石小軒韻

澄潭靈鏡一般清靜夜虛窓睡不成俯仰浩然無點
累獨憐山月滿江明

次浣紗樓韻

歷盡菁川路更西臨溪還憶故山溪白雲東望鄉關
遠滿眼殘春意轉迷

次青溪堂韻

坐對晴巒日欲昏
竹林深處暝鴉喧
江城吏隱真吾
願
白首名途強意奔

奉呈晦齋道契

灌圃魚子游

曾看紫玉山中好
公作書堂爲此溪
今日英靈却
驚怪生曾不見駭雞犀

混流溪山容我老
青年住此白烏頭
世人皆識吾
貧鬼萬斛煙霞富可羞

奉次惠韻

自知踈懶合幽栖
卜築由來愛紫溪
捐彈始悟忘真
鵲處世猶嫌照水犀

多公早占溪山勝投紱清朝未白頭自嘆平生心事
謬養真經世兩堪羞平生有志兩事今俱未遂豈非可羞耶

固城溪邊

綠水黃巖懷舊隱臨溪駐節便忘歸雍熙世遠無由
挽白首驅馳心事違

舟中謾興

自柴川舟行到宜春

衰年倦險途春晚泛清湖新綠千山遍殘紅一點無
蘭舟蕩風浪漁篴混笙竽世路希平坦何方安此軀

次河東東軒韻

余巡到海徵適值風雨夜作竟夕無眠不勝戀闕憂時之

念聊次板上
韻以寓懷云

旌節搖搖歷海壖自慚衰白未歸山
咨詢半歲無毫效却羨銅章隱小官

風雨蕭蕭燭影微客窓中夜獨傷時
天涯襟抱憑誰展耿耿丹衷只自知

送亨伯歸省

知君到此近庭闈閭望方勤詎忍違
自歎遠遊多曠省明朝移節又西歸

具慶堂前麗景遲滿庭蘭樹正芳菲
遙知勝日開筵處萬點飛花繞彩衣

送李都事

天啓

拜持平赴召

日齋集卷三
十五
按盡天南鬢雪新開襟猶喜見心真芳辰同樂無多
日暮境相知有幾人自慚晚節渾隨俗獨愛清標不
混塵臨別惟將一言贈須從消長審幾神

多君風度靜而溫嶺外同遊有數存浩浩襟懷宜遠
契紛紛離合不須論丹忠前席數民瘼白首無階報
主恩心折五雲迷北望月明千里更消魂

贈別亨伯

九重思讜論千里召公歸消長須存戒安危更審幾
匡時須正直臨事莫依違衮鉞留青史寧論世是非

山中次子容韻

幽棲養性慕前賢
卜築巖邊愛石泉
遊世不成蘇早
雨還山重聽叫雲
鵲心源澄寂室生
白地界清高夜
少眠縱意逍遙涉
真境一溪烟景更
悠然
濟濟清朝萃衆賢
儘教踈懶卧林泉
山空只伴松間
鶴月白時聞峽裏
鶻手弄潺湲滌煩
想耳驚蕭瑟罷
幽眠心閑境靜饒
真興竟日無爲樂
自然

挽金府尹

綠

桂籍儒仙姓字馨
羽儀朝著振英聲
期頤共擬同鄉
老事業誰知止亞
卿君失忠良天奪
鑑民懷召杜雨
霑旌雞林一望雲
煙慘他日相思空
典刑

風雲際會儘應時
器宇巖峩廊廟姿
黼黻王猷忠不
展繡縫袞闕志猶
期望雲喜得東城
養持節還添去
國悲豈知忽罷南
柯夢堂上猶存鶴
髮垂

次子容韻

丁寧 天語眷痾臣
報國情懷幾日伸
遲遲嶺外星
霜變為有高堂八
十春

歲暮吟

歲暮天涯病未蘇
形容還似澤邊枯
似聞北極開
新主輔弼諸公盡
道無

乙巳春二月輿疾將赴
中宗山陵之會

中路病重傳行留永州客館遇先君諱日主
人爲設奠具而氣困未得行禮揮涕書示主

人

抱病江城值諱辰那知是日負君親
賓天杳杳攀無路慕遠茫茫涕滿巾
殊寵未酬千載遇哀晨又欠一杯陳
平生忠孝今俱闕罔極情懷竟莫伸

次舍弟韻

晴窓竟日對梅兄又見溪山萬樹榮
鶴髮生歡兄病去知君此日慰安誠

送仁甫出按關北

懷痛殘年愧忝叨羨君持節近風謠平生正學遭時
展千里妖氛望氣消萬卷游心寒外靜五雲回首日
邊遙北門鎖鑰雖宜重虜使猶嫌不在朝今春病滯南州中
宗蒞引時未及奔哭常以爲終天之痛故首句及之

仁宗挽章

春宮潛德本謙虛睿性全成養正初道著修齊仁是
宅功深精一敬爲輿龍飛始慰臣民望雲盡俄驚劍
舄餘白首酬恩寧復日丹心空作血霑裾

在山堂寄舍弟丙午

愁邊索寞度殘春暫別萱庭恨轉新踈雨滿山天欲

暮依依去住共酸辛

綬暗紅殘已盡春清和光景滿庭新溪山幽靜渾如
舊世味參蟲以厭辛

丁未元朝有感

春秋五十七知命又知非鶴髮年垂老孤臣數亦奇
天時雖遇泰人事未離睽舉世無相識蒼蒼獨我知

書鏡吟

觀書正吾心照鏡整吾貌書鏡恒在前須臾可離道
丁未重陽舍弟請設壽酌書示二絕

賓天奄忽隔三秋白首累臣涕未收千一休期如一

夢群黎是日總悲愁

無路攀髯又度秋
窮天遺慟渺難收
黃花壽酌那堪設
滿目溪山慘帶愁

晦齋先生集卷之三

